

# Ko e Kaveinga Ngāue ‘o e Seminelí mo e ‘Inisititiuti Fakalotú

Ko ‘etau taumu’á ke tokoni ki he to’u tupú mo e kakai lalahi kei talavoú ke fakaloloto ‘enau ului kia Sīsū Kalaisí mo ‘Eneongoongolelei kuo fakafoki maí, taau ke ma’u ‘a e ngaahi tāpuaki ‘o e temipalé, pea teuteu’i kinautolu, honau ngaahi fāmilí, mo e ni’ihī kehé ki he mo’ui ta’engata mo ‘enau Tamai Hēvaní.

Ke a’usia ‘etau taumu’á:

## MO’UI ‘AKI

‘Oku tau mo’ui ‘aki ‘a e ongoongolelei ‘o Sīsū Kalaisí pea faifeinga ke ma’u ‘a e takaua ‘o e Laumālié. ‘Oku hoko ‘a ‘etau tō’ongá mo e vā fetu’utakí ko ha sipinga lelei ‘i he ‘apí, ‘i he loki akó, pea ‘i he tukui koló. ‘Oku tau feinga ma’u pē ke toe lelei ange ‘a ‘etau faifatongiá, ‘iló, tō’ongá mo e ‘ulungāangá. ‘Oku tau fakafanongo lelei ki he kau palōfita mo’ui ‘a e ‘Otuá mo muimui ki he’enau ngaahi akonakí mo e fakahinohino fakalaumālié.

## AKO’I

‘Oku tau fakatefito ‘a e a’usia fakaako takitaha ‘ia Sīsū Kalaisi mo ‘Ene sipingá, ngaahi ‘ulungāangá, mo e mālohi ‘o e huhu’í. ‘Oku tau tokoni’i e kau akó ke ako ‘a e ongoongolelei ‘o Sīsū Kalaisi kuo fakafoki maí ‘o hangē ko ia ‘oku hā ‘i he folofolá pea mo e ngaahi lea ‘a e kau palōfítat. ‘Oku tau tokoni’i e kau akó ke fakahoko honau fatongiá ‘i he’enau ako ‘iate kinautolu pē. ‘Oku tau faifeinga ke fakaafe’i ‘a e Laumālie Mā’oni’oni ke fakahoko Hono fatongiá ‘i he a’usia fakaako takitaha.

## TATAKI

‘Oku tau fakafenāpasi hotau tu’unga fakatakimu’á ki he sipinga ‘a Sīsū Kalaisí. ‘Oku mau fakaafe’i mo poupou’i atu e to’u tupu mo e kakai lalahi kei talavou kotoa pē ke kau ki he seminelí mo e ‘inisititiuti. ‘Oku tau kumi ke fakamālohaia ‘a kinautolu ‘oku tau tatakí, fakahoko lelei ‘a e ngāué, mo langaki ‘a e uouangataha mo e ni’ihī kehé. ‘Oku tokoni’i mo poupou’i ‘e he’etau ngaahi ngāué ‘a e tokotaha kotoa pē, ngaahi fāmilí, mo e kau taki lakanga fakataula’eikí.



SIASI ‘O  
SĪSŪ KALAISSI  
‘O E KAU MĀONTONI  
‘I HE NGAAHII AHO KIMUI NI